

茗柯文編

附詞

冊

一

臺灣文獻

卷一

茗柯文編

【目錄】

四部備要

集部

上海中華書局據原刻本

校刊

桐鄉 陸費逵 總勘

杭縣 高時顯 輯校

杭縣 吳汝霖 校

丁輔之 監造

序

武進張編修臯文吾畏友也與余丙午己未同出朱文正夫子之門君與其徒以第一流自期待視今之爲學者蔑如也其學長於易禮於唐宋人說皆欲顛覆之賦必馬揚古文則韓以下弗道其徒之傑者曰金朗甫曰董晉卿曰江安甫曰楊雲在金江吾歎人楊與董則君同里也金入庶常卒年二十有八江弱冠而夭董爲君女夫以副榜貢生受州倅職亦鬱鬱不出獨雲在尹澁於津門年五十矣距君之卒二十年乃始削劂君之遺文爲茗柯文四編分爲五卷而附以朗甫竹隣遺藁二卷晉卿齊物論齋集二卷安甫遺學二卷自以雲在文藁一卷殿之總名之曰受經堂彙藁受經云者君與諸子京師講學之堂也君他著多梓行此編蒐輯差廣而三子所著則今始見於世世有識者能知之余未暇以詳獨念君生晚近時慨然爲舉世不爲之學每舉一藝輒欲與古之第一流者相角而不屑少貶以從

俗其磊落卓爍瑰異之氣可謂壯哉年四十而歿不克臻大成以爲諸子先而如金江二子俊雄之才亦溘先朝露以死嗚呼其可悲也已余故習於君者雲在請一言爲序乃揮涕而書之道光甲申人日歛鮑桂星

賈南竹初魁某一卷言... 卒二十一... 主受... 出金人... 董晉... 宋人... 其於... 與余...

茗柯集目錄

武進張惠言臯文

文四編凡一百五首爲五卷

詞一編凡四十六首爲一卷

茗柯文目錄

武進張惠言臯文

初編 自戊申至甲寅凡文十八首爲一卷

二編 丁巳戊午凡文四十三首爲二卷

右先生庚申歲自編有自序

三編 自己未改庶常至辛酉散館凡文三十首爲一卷

右先生辛酉歲自編

四編 自辛酉五月至壬戌五月凡文十四首爲一卷

茗柯文目錄

茗柯文初編

自戊申至甲寅凡文十八首爲一卷

游黃山賦 并序

黃山賦 并序

寒蟬賦 并序

秋霖賦

望江南花賦 并序

竹樓賦 并序

賃春賦 并序

鄧石如篆勢賦 并序

長平鏃箴 并序

七十家賦鈔目錄序

莊先生遺文後序

書墨子經後

讀荀子

續柳子厚天說

送惲子居序

送張文在序

莊君墓表

崔景偁哀辭

游黃山賦

黃山者靈圉之閒館有方之鬱林夫其奇瓌詭麗超絕列嶽蓋象崑
崙閩風方丈蓬萊又其幽扃宮別杳冥卉旭凝霜仍雪閱自太始舉
世罕能登陟是以容成宅其陽浮邱棲其顛軒皇練其鼎玉女流其
函鸞鶴翔其林芝英挺其阜予與桐城王灼濱麓客遊茲邦因往探
焉故復麤覽誕略未遂冥尋然于高則窮蓮花之崇于奇則盡雲海

之怪亦足以極茲山之絕觀方俟永解纓絡結廬神隩故聊託篇翰
以誌勝懷左思曰登高能賦者頌其所見也其所未覩蓋闕如也
迫區中之隘陋兮藪寥霰而神攄行周覽乎八極兮騎駢騁以踟躕
崑崙荒忽莫可搖集兮奄息汜濫舒節乎三天子之都朝吾濟夫容
溪兮規容成之高臺鬱巖巖之崑嶠兮拂穹窿而上迴連岑吁其塊
坳兮徑曼羨以延屬經崇駛駘以撇天兮歷陲罷陀以頽谷霞嬰雲
汨般以澹蕩兮崕峩紆瀟紛以相逐時固未轅乎黃山也忽丹嶂之
岑嶙兮頰羣峭以霞起浮纖削而考敷兮勢振颺而不已心炯炯而
上假兮目眇眇而無倚何風引而歛去兮慶不可乎彌揆夕信宿于
招提兮浴神濫之湯湯陰火煽薄于巖幽兮伯僑無忌奔以回皇疏
煩想于游蒙兮霍然飈除詭然雲揚乘凌兢而絕太陰兮與真緯乎
相將橫窈窕以互折兮俠飛泉以高趨聞幻景之恍惚兮有空相之
僊廬旋室竄窳以嫵娟兮袂振鷹翳而相扶應真卓錫以遙佇兮狀

顛顛而睚盱羌尋眴而無見兮悵天閱之不我舒厲磊砢而百轉兮
穿崩勞以上征雲霧霧而襲予兮石氣黓黓而愈清岑崱雜遝以差
錯兮衝菴隱倚追以縱橫堂防絕限崛以艘路兮愕眙奠梁以搶
攘入鬼室之懿瀛幽杳兮出雲窟之窅寥窈冥搏鎔鈇之膠盪枝梧
兮尋光景之晻曖鏗瞑稍定氣而回眺兮轟天都之巍巍下嶙峋而
刻削兮上洪紛而錯崔嶢翹撇烈孤以獨舉兮屬重陽而下迤形精
溢遠若不知其所柢兮盪空青而無依縝澤絡繹交以騰湊兮龍鱗
霞駁煒以林離天扉石室儼以高躋兮亢鳥騰乎將吾止之獨橋首
而不可卽兮心徊徊而不怡仰穿溟滓兮上出彷徨傾臺兀兀兮俛
視崢嶸震慄徙倚兮一升極目天表兮洋洋蓮華敷萼以右起兮翼
天都而雙標爭奇角詭兀不相讓兮崦嶴崑崙歲据以天橋紅采翠氣
交曳而竝颺兮蒙合歛歛半散以招搖披桃花而屬夫容兮前雲門
而概逍遙往往高松負石以成質兮壁走樛枝以還會東西蜿蜒從

靡而卻負兮蛟螭蝓蠕相詭而異態沐疏乞之霜雪兮齷禪通之沆
瀣猿狖仰眴而不能攀兮離朱目眩而不能紀流視羣悴靡何纍纍
高低混茫巖積參差鬱撓天地茫茫霏霏似驚潮之鴻涌于海門兮
如蠟堦之冢列于庭階也于是脈奇選崇望蓮華之顛而造焉降巘
屹而陟絜剛兮回兀婁而踐巖鬱風磴運裏以穿浹兮石齒盱賦以
礪突逡巡二分以側足兮下視欽巖庠窳以罔沕噤吟踉蹌僅乃得
度兮目眩轉而克忽詘轄折枝熊經以卻立兮浸淫啞呀攀以中必
雖荆忌之僂佞疾迅兮猶廩廩而氣失爾乃石扇頽砭兮掩杳玲瓏
曾宇覆覆兮宛渾交通參差蔽虧兮壹陰壹陽枝撐刻削兮神樞而
鬼工淹回旋而詰屈兮邈乾坤其若蒙歛矐涌而上出排闥闔之蕩
蕩軼遊氛于鴻濛凌虛無而獨立兮貫倒影而高厲倚瑤光而部衆
神兮捐豐隆而扶屏翳馮蔑蒙而下矚兮汨修墮于一氣崑崙鑽列
瑣碎而不可詰兮宕冥冥其容裔攬九海而撫八紘兮吾乃今日窺

天地之所際竭吾下夫崔巍兮降雲梯之嶻嶭逶迤絜折以規轉兮
阬隤稽而若顛得底平而出天壁兮乃馮冢而極巔圍羣象于寸眸
兮駢衍振陳宮以嶮顏擗菡萏之卅六兮竚元君于雲閒卻睨巨壑
兮欽淫焜漾漾兮奪精僊之人兮威蕤紛何爲乎揚靈總圭笏兮相
翔吹參差兮杳冥濬陸離班以屯塞兮振耀芻蠻瀾以煌熒四顧
竭札莘莘縱縱怪物神鬼紛羅交馳巨鼇決吻以鈺鈺兮卻鼉鼉而
躩踞後猊聃啖以奮豐兮作首目之矜矜巨靈高掌于雲外兮勢爪
踢乎華衰女娥幼眇以流睇兮被長佩之蕤綏百怪欺猓以噩對兮
儼瞠瞞而睽睽羣岳岳以嶷嶷兮隨顧盼以駭駭卒悚悚以驚魂兮
中怡悵而意迷曾蘄窪窅日夜出雲滄沛葦鬱烟烟煜煜紛飈起而
屬天兮汨混會而渾沌爾乃輕颺乍起宕拂四表淫揚驚奔泮渙騷
擾紛紜遭迴以下降兮綢繆周墊轆以旁繞穹窿糾撓皇以回薄兮
紆鬱漫衍敷以綿邈圓宇廓以清澂兮柔祗濫其漫漫匝而頡洞千

里而無極兮州裨大瀛倒灌而外環于是紛蒞愔愔漾漾泚泚隤隤
曳巘闐闐旋冤瀟洶洶其交會兮滂煩澹而紛屯嶄巖累崦怒起而
涌出兮吸瀟瀟率迫隘而復還鯨迴鯤擊若光而若滅兮變化天橋
溱以龍翰倏蟪蛄像揚光以出入兮忽若蛟人水斐飄麗以眇曼三
山滉漾歛枉水下兮渺不知其所遷悴中起而突植兮又象碣石之
孤騫濇眩譎幻儵忽而萬變兮單不可乎究原于是目賊意蕩志懼
神疑忽兮改容微波不揚輕塵不飛直際天極浩乎瀾瀾沈沈溶溶
鱗鱗離離嘻嘻兮旭旭天闈兮洞開翠爲繆兮朱爲旗金爲闕兮銀
爲臺仙車九葩兮紫蓋委麗鮮扁卉翕兮紛緼輝光炫耀兮陸離暢
飄然而與神俱兮廓蕩蕩而高馳曳寫霧而遵逝兮厭浥襟之英英
披靡蕪之幡纒兮宿隩嶇之松聲幽人爲我揮琴兮儀徵江鉅字麗
田隱居山中
遏素女于太清山鳥更唱而赴曲兮流仙樂之泠泠紛吾窮此遐覽
兮與無友而爲期揖松僑而儷游兮載羨門而與之歸逝散髮以消

搖兮遺氛氣乎獨來乘日月之精照兮綴雲虹之采蕤左格澤之炎
精兮右屬卿雲乎崦嵫蒼蚪顛鸞赴螟以相待兮丹砂赤醴煜爛以
凝滋餐六氣以呼吸兮羞五采之璫枝庶遠遊之輜舉兮聊發軔乎
自茲

黃山賦

余既作游黃山賦或恨其闕略非昔者居方物別圖經沐浴崇陴羣
類庶聚之意也乃復攬采梗概以賦之

丹陽之南蠻障之中有黟山焉是曰三天子之都上絡斗紀下樓衡
巫外則率山崔嵬于近作嶂陪以大鱗屬以匡廬廬江出其西漸江
出其東千源萬浚經營淡澹各走相詭宛渾黯黹回錡隘甌迫觸輶
輒逆防孫理梢窅出窅勢若矢激不可迫覽雷出電追轉石異聲闐
沛汨淚泮龍鏗旬滲繆谿裕磴磴悲鳴鐘鏞穆羽將瑋代更蕩滅澡
竭纖潛不藏文鱗錦爍瑩瑩煌煌若此者數百千處然後涇闢會流

交注羣輪涖涖潼潼上合彭蠡下達曲江爾其大勢則崿嶺崆崇糾
纏崛崎積沓匝巾陰陽蔽虧夫容菡萏倚天無茄形精亘輝灼若朝
霞其曾高則上出閬闔平睨寒門頰視一氣空如下天其窮陰則涸
涸慘悞昧不見太陽乃有因提之雪循蜚之霜其石則蹇蹻刻削岬
綦增積攢總別追重疊并益將顛復稽附磳躡蹠縱橫賊盱震心警
魄黝質斑采炫耀龍鱗隨物成象百怪千端若有鬼神突怒凌厲單
不知其所原增巖重岫懿曖窈冥環撩複笱脇施瓏玲陽光池輝疑
自地爍不見天形或乃瀕竈金鼎威蕤玢靈匡牀方几羅于其庭霞
文碧篆守以六丁爾乃覽其支絡周其宮別于前則雲門豁閑兀峙
高闕夫容桃花紫石丹沙疊障擲盃青鸞石人僂僂茂茂爰有溫泉
是之自出天都巍巍歸然特雄蓮華右起爭隆匹崇紅杏交錯洪紛
馮戎羣峯來朝若環紫宮其上則有仙扉石室醴泉之池日精月魄
藏華發奇其左則天柱削芳探珠參差軒轅上昇仙樂天衣青鐔白